

10. oktober 2013

UKA 2013/35  
Kristian Jeremiassen

**Kalaallit Nunaanni pinerluuteqarsimasut singernermikkut nalunaarsuuteqarlutik angerlarsimaffimmi pineqaatissinneqarsinnaalernissaat anguniarlugu, Naalakkersuisut Jusititsministerimut attaveqaqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortat Doris Jakobsen aamma Kristian Jeremiassen, Siumut)

Siullermeerneqarnera.

Kalaallit Nunaanni pinerluuteqarsimasut singernermikkut nalunaarsuuteqarlutik angerlarsimaffimmi pineqaatissinneqarsinnaalernissaat anguniarlugu, Naalakkersuisut Jusititsministerimut attaveqaqqullugit peqquneqarnissaannik Inatsisartut aalajangiiffigisassaattut siunnersuut Siumumiit imatut oqaaseqarfigissavarput:

Pinerluuteqarsimalluni inissiisarfinni utaqqisut allaat 300-it utaqqinikuupput maannakkulli utaqqisuerussimanera angusaavoq pitsaasoq taamaattuaannarnissaalu politik-ikkut eqqu-maffingineqartariaqartoq ukiunilu kingullerni pineqaatissinneqarlutik utaqqisut ukiuni arlalinni utaqqinerminni, allaat pitsaanagerusumik inuuneqalernissamut suliniuteqarnerit aallartereersut aallartinneqareersulluunniit pinerluuteqarsimasunut inissiisarfimmut isertinneqartarput, inuuneq pitsaasoq ilaqutaqalereerneq imaluunniit ilinniagaqarluni aallartereeluni pinerluuteqarsimasunut inissiisarfimmut inissiisoqartarsimavoq, tamannalu allanngorsimammat alloriarneruvoq annertoq piaarnerusumillu pineqaatissinneqarsimasunut inissiisarfimmiittoqartalersimalluni.

Siumumi isumaqarpoq singernermikkut nalunaarsuuteqarlutik angerlarsimaffimmi pineqaatissiineq periarfissaasariaqartoq, Naalakkersuisut siunnersuuteqartullu tunngaviusumik isumaqatingiinnerat suliap piviusunngortikkiartaarneqarnissaanut aqutissatut Siumup isigivaa soorunami suliap ineriartortinneqarnissaa nunatsinnullu naleqquttumik ineriartortitsinissaq Siumumiit pingaartikkiptut oqaatingissavarput.

Nalunngilarput angerlarsimalluni pineqaatissinneqarnerup pitsaaqutigigaa maannakkut inuuneq aallaavigalugu pineqaatissinneqarneq, ilaquttat ulluinnarni ilaginissaanut suliffiullu paariinnarnissaanut periarfissaqarpoq angerlarsimalluni pineqaatissinneqarnerup ingerlanneqarnerani taamaalilluni pineqaatissinneqartoq ilaquttaminit avissaarnani inuunerup ingerlariaqqinnissaani ilaquttanilu ilusilersuisinnaalissapput pinerluinniarnit qimanniarnerini. Nunani tamalaani misilittakkat takutippaat angerlarsimalluni pineqaatissinneqartarnerup kingunerigaa isersitsisarfinni pineqaatissinneqarsimasunut sanilliullugit pinerlunniartarneri ikinnerusartut tamatuma nunatsinni pinerlunniartarnerup annikillisarneqarnerani ilu-aqutaasinnaasutut Siumumiit nalilerparput.

Siumut isumaqarpoq pinerluttumik pineqaatissiisarnerup pinerluutaasunut naapertuuttumik pineqaatissiisoqassasoq, pinerluutit sakkortuut soorunami pissusissamisuumngilaq anger-

larsimaffimmi pineqaatissiissutigissallugit, siuliani taaneqartoq aallavigalugu pisariaqarpoq pinerlussimasut isumannaatsumik inissinneqartarnissaat avatangiisaasut pinerluttoq tamaasa eqqarsaatigalugit.

Siumumiit taamatut oqaaseqarluta Naalakkersuisut allannguutissatut siunnersuutaat akue-  
ralugu Inatsisiseqarnermut Ataatsimiititaliami suliassanngorlungu ingerlateqqipparput.